




1607_222r.jpg




1607_222v.jpg



1607_164r.jpg



1607_223r.jpg



1607_164v.jpg

Le Mercure François, ou,

1607.


qui y traitoient des affaires du Pape, firent imprimer de mesme sans nom d'auteur & d'imprimeur vne Apologie contre ces deux liurets. A Rome, vn Alcanius Torrius fit encor vne Apologie contre le susdit liure de *Pro libertate Ecclesiastica*. Gerard Loppes Frison mit aussi en lumiere vne deffence pour le Cardinal Baronius contre Marsile, laquelle estoit en Latin: Bref, on n'employoit en ceste guerre que des canivets pour tailler les plumes pour escrire.

*En Iesuite
pour auoir
presche la
guerre,
chassé de
Parme.*


Toutesfois le seiziesme Feurier le Duc de Parme ayât fait faire quelques despêces en tournois & mascarades, pour se recreer aux nopces d'une grande Dame de ses terres, vn Iesuite ne se pût tenir qu'en son Sermō il n'en parlât, disant, que ceste despenſe seroit plus vtilement employee à faire des preparatifs pour ayder le Pape contre les Venitiens: Le Duc fasché de ceste hardie parole preschee en public, le fit vuider aussi-tost de ses terres. Il fut loué de ceste acte politique, car on ne doit endurer en nul Estat aucun Predicateur parler ny exhorter à la guerre sans la volonté du Souuerain, Prescher la paix, comme Dieu l'a donnee par testament à ses Apostres, faire la guerre aux vices, & persuader le monde à penitence; c'est tout leur deuoir.

Le Roy, comme nous auons dit, auoit enuoyé le Cardinal de Ioyeuse à Rome & à Venise, pour avec l'autorité de sa Maiesté s'entremettre à pacifier ce different, le plus important qui soit nay dès long temps en l'Eglise, & duquel dependoit le repos ou le trouble de toute l'Europe.


1607_223v.jpg




1607_165r.jpg



1607_224r.jpg



1607_165v.jpg



1607_224v.jpg




Image issue du site mercurefrancois.ehess.fr - Cliché (c) Cécile Soudan